

VILLENEUVE

L'ée

Eun Val d'Ouha le ruze pe l'ée l'an jamì mancó é gnenca de prosè lon comme la fan l'an resè a rezoudre de questchón pe rappor a bièn de ru.

Robé l'ée l'ie an beurta baga, capitoo que de fameuille se prèdzoon pomì pe de-z-àn é le rappor personnel l'ian eunveemó pe de jénérachón.

To ho capitoo péqué l'ée l'ie stra eumpourtanta pe la via di dzi que trailloon la campagne : pe bèe, quezun-é, fée bouiya, se laé, fée martché le rise é le mouleun é pe la fertilitó de la tèra : la rezoursa pi eumpourtanta que la populachón di montagne l'ayè a dispozichón.

La plodze, don di siel, deun sa fourma pi utilizobla pe la campagne bastoo jamì, surtoù a l'adrè ioi lo solèi beurle é la tèra échuye vito. Pe fortun-a la montagne l'è an rezerva naterella de hi bièn stra présieu. D'èivir amouelle la nèi é lo lon di tsotèn no ren l'ée avouì le toràn que débordon.

Pe poussèi l'eumplèyé é la fée aréé ioi l'è nésséséa fou fée bièn de traille é s'organisé eun féyèn bièn attenichón péqué l'ée l'è présieuza mi pou fée de grou dan se l'è po dontéte. Le valdotèn l'an cougnou hi problème é, avouì lo ten, l'an tchertchè de lo rezoudre eun tsèen an matse de ru. Dèi adón bièn d'ée l'è passéye dèizò le pon...

L'idó que l'ée l'è an baga eumpourtanta, que fou eumplèyé avouì d'échèen é saì la controlé, l'è todzor prézenta deun la tiha di campagnar, belle se le ten son pomì le mimo.



lo gnalèi



Région Autonome
Vallée d'Aoste
Regione Autonoma
Valle d'Aosta

Assessorat de l'Éducation
et de la Culture
Assessorato Istruzione
e Cultura

Tiré de :

Lidia Philippot et Alexis Bétemps

Texte inédit

Collaborateur de Villeneuve pour la traduction : Roger Chuc

La transcription a été soignée par le Guichet Linguistique

Mise à jour de la graphie : octobre 2013